



27. marts 2026

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Nunatta kitaani avataasiarluni qaleralittassiissutit 4.600 tonsit, saarullittassiissutillu 1.950 tonsit, siornali februarimi neqeroortitsissutigineqartut, sooruna ukioq mannamut kikkunnut tunniunneqarnissaat Naalakkersuisuniit suli aalajangerneqanngitsoq?
2. Piffissami taamak sivilutigisumi suli aalajangertoqannginneranut Naalakkersuisooqatigiit isumaqatigiissinnaannginnerat tunngaviua?
3. Pisassiissutit qaqugu nutaanut tunniunneqarnissaat Naalakkersuisut naatsorsuutigaat?
4. Royal Greenlandip iluaqutigisinnaasaanik immikkut pineqannginnissaa Naalakkersuisut isumaqatigivaat?
5. Imaluunniit Royal Greenlandip inoqarfippassuarni nunaqarfinnilu tunitsivinnik ingerlataqarnera aammalu sinerissap qanittuani aalisartunit tunitsivissaqartuarnera kiisalu nunatsinni suliffissaqartitsinera pissutigalugu immikkut pineqartariaqarnera Naalakkersuisut isumaqatigivaat?
6. Aalisarnermut Piniarnermullu Naalakkersuisoqarfik ulloq 14. oktober 2024 Royal Greenland-imiit allagarsia qanoq imaqarpat? Taannalu sumik siunertaqarpa?
7. Royal Greenland-imiit ulloq 14. oktober 2024 Naalakkersuisoqarfimmu allagaani imarisaanut Naalakkersuisut isumaqataappat?
8. Allakkami tassani Aasianni tunitsiviup ammaannarnissaanut siunnersuutigineqartut tunitsivimmik piginnittut qanoq akissuteqarfisimaneraat Naalakkersuisup saqqummiukkusuppai?
9. Kitaata avataani rejerniarnermi pisassiissutit appariartornerat aalisarnermut inatsimmut nutaamik suliaqarsimanermik tunngassuteqarpa?
a) Aap b) Naamik
10. Rejertassat appariarnerat taamaasilluni pisassiissutit appariartulernerat ilisimatuussutsikkut siunnersuinerit (biologisk rådgivning) ukiuni arlalinni malinneqartarnerannik tunngaveqarpa?
11. Ukioq 2015 avataasiarluni rejertassat pisassiissutit ukioq mannamiit pisassiissutinut sanilliullugit appasinneruneranni tunitsivinnik matusiniarluni pilersaaruteqartoqarnikuuva?
12. Polar Seafood Denmark Aasianni Polar Raajamik affaangajaanik piginneqataasoq kikkunnit piviusumik pigineqarpa aammalu piginnittui sumi angerlarsimaffeqarpat?
13. Naalakkersuisut allanik paasissutissaasinnaasunik peqarpat?

(Inatsisartunut ilaasortaq Erik Jensen, Siumut)



Tungavilersuut:

Siorna februarimi Naalackersuisut saqqummiuppaat nunatta kitaani avaatsiorluni qaleralittassat 4.600 tonsit saarullittassallu 1.950 tonsit aalisartunit nutaanit qinnutigineqarsinnaalersut. Maanna ukioq ataaseq qaangiussimalerpoq sulii pisassiissutit tunniunneqaratik, naak tusagassiuutit aqqutigalugit paasigipput selskabet arlallit qinnuteqarsimasut. Taamaattumik paaserusunnarpoq aalajangernialuusaartoqarneranut suna pissutaanersoq?

Kiisalu qineqqusaarnermi massakut Naalackersuisut Siulittaasuniit oqaatigineqaqattaarpoq Royal Greenland immikkut pineqassanngitsaq, taamaattumik paaserusunnarpoq Naalackersuisut taamatut aamma isumaqarnerisut?

Taamaattuttaaq isumaqarpunga §37 nr. 32/2026-imeersumi Naalackersuisup apequtigisakka unneqqarissumik, iluamik, ammasumik isortuaatsumillu akinngikkai, taamaattumillu apeqqitiniq nutaanik malitseqartitsillunga.

Apeqqutigineqartut ullut suliffiusut qulit iluanni akeqquneqarput.